

## Norrede.

Vnd auff dem Wasser g führet vmb /  
So/ daß er nimmer wider kumb/  
Vnd dich/ liebs Land/ nimmer berühr/  
Damit er dann zu Gmuth ja führ/  
Was er für ein herrliche Gab  
Verscherzet an der Erden hab.

Noa der  
große  
Schiffer.  
  
vnd ander  
mehr in der  
Haiden-  
schafft.  
  
Große Me-  
rita vnd  
Nutzbar-  
keiten der  
Schiffart.

Es ist ja zwar solches auff ein gewise Intention nicht vbel geredt /  
was diser Haimling/vnd Haufkatz fürtregt. Aber dardurch bleiben  
dahinden die vnsägliche Bequemlichkeiten / so man von den woler-  
bawten Schiffen auff dem Meer/vnd See zum besten hat. Wann  
ich erst ausz h. Schrifft erwähnen wolt / wie durch Befelch / vnter-  
richt / vnd Schutz dess allweisesten Gottes/Noa,das Seminium hu-  
manum, vnnid dann anderer Gethiere / vermittelst eines mechtigen  
Schiffkastens (welcher so fest / so wunderlich auffgeführt gewest /  
daß darvon ganze Bücher Speculirender discursen noch verhanden)  
in der grausamen Sündflut erhalten / vnd darvon gebracht / vnnid  
aus seinen obhabenden Kästen / nach verfliessung einer Jahrsfrist /  
ein gleichsam Neve Welt aufgehobet: Wann ich weiters aus den  
Alten Haidnischen Memoriis wiederholen wolte / welcher vnter den  
berümpften Heroischen Männern zum ersten sein Vasell in das Meer  
geworffen / sich darauff gesetzt / vnd darob in ferre Landschafften sich  
gewagt: so wurde es viel zu lang / vnd der Günstige Leser ( als wel-  
cher zweiffelsfrey dessen ein complement erwartet / was in dem Zi-  
tul versprochen ist) mit Unfug auffgehalten. So laß ich nun den  
Poeten ihren Neptunum, als den erdichten Meersdumler / vnd Ge-  
biter: Ich lasse beruhen den Jasonem, welcher die Erste lange Naven  
gebraucht / vnd darob mit seiner Fürstlichen Gesellschaft durch Hülff  
der wunderschönen Zauberin Medea viel vnglaubliche Abentheür  
bestanden / biß er die Goldmachers Kunst auff Guldinen Fellen be-  
schrieben gekriegt / vnd in seine Hand gebracht / dem König in Colchis  
endtführt. Ich wil die Phoenicier vnnid Thrier / so in h. Schrifft be-  
rümpft werden / auch vnerforscht fürüber lassen: vnd was deren Ob-  
servationen mehr sein mögen. Diß gibt dem Schiffwesen vnd Ge-  
biet / haw sein herlich dignitet, vnd Lob / das durch dasselbe so trefflicher  
Profit allen Ländern vnd Nationen reichlich zugeht. Ich schreibe vnd  
sage mit wissen: Allen Ländern. Darben ich verstanden will ha-  
ben / nicht nur diese Ort / welche am Meer / vnd See gelegen; sondern  
auch